

## مسجدلرین اصلی متولیسسی بللی دئییل/مجازی فضا مدیریت اولمالیدیر

فارسین وئردیغی خیره گۆره شرقی آذربایجانین ولی فقیه نمایندهسی فرهنگ وزیرینین معاونی اینن گۆروشدی: اسلامی ارشاد و فرهنگ وزارتینین بونوندا بؤیوک و آغیر مسئولیتلر وار، بو مسئولیتلرین بیر سیراسی آیری وزارتلر و نهادلارینان بیر مسیره دیر.

فارسین وئردیغی خیره گۆره شرقی آذربایجانین ولی فقیه نمایندهسی فرهنگ وزیرینین معاونی اینن گۆروشدی: اسلامی ارشاد و فرهنگ وزارتینین بونوندا بؤیوک و آغیر مسئولیتلر وار، بو مسئولیتلرین بیر سیراسی آیری وزارتلر و نهادلارینان بیر مسیره دیر.



او، فرهنگ حوزه سینده موازی ایشلماقدان اوزاق اولماغا اشاره ائله ییب آرتیردی: قرآنی فعالیتلر، ارشاد، اوقاف، اسلامی تبلیغات و ... مختلف نهادلارین موازی ایشلدیغی زمینه لر دندیر. آما بو نهادلاری هدایت ائله ییب بیر مسیره قرار وئرن یوحدور.

تبریز امام جمعه سی آرتیردی: اوقاف دئییر: مسجدلرین مسئولیتی بیزیندیر. تبلیغات سازمانی دا مسجدلرین انجمن اسلامیلارینین ایشلرینه یئتیشیر، بسیجینده پایگاه مقاوتی وار، اسلامی ارشاد دا مسجدلرین فرهنگی- هنری کانونو و کتابخانالارینین دولاندیریر. دوغرودان بللی دئییل مسجدلرین اصلی متولیسسی کیمدیر؟ بو نهادلارین آراسیندا حتماً هماهنگلیق اولمالیدیر.

او بونو دئماغینان کی مسجدلرین مشکل لری تکجه بیر نهاد توسطی اینن برطرف اولمالیدیر آرتیردی: انتظاریمیز وار نظامین یوخاری سطحلرینده بو مسأله یه چاره دوشونولسون، مملکتین فرهنگی بودجه سی او قدر آزدیر کی موازی ایشلماغا و بودجه هدر وئرماغا یئر یوحدور.

تبریز امام جمعه سی ادامه ده مجازی فضا یا نظارتین آرتمالی اولدوغونا اشاره ائله ییب دئدی: مجازی فضا مدیریت اولمالیدیر. انتظاریمیز وار اینترنتی سایتلار کامل اشرافینان نظارته آیینسین. چوخلو خبر سایتلاری وار کی ارشاد طرفیندن مجوزلری یوحدور.

لینک مطلب در سایت : <http://torki.tebyan-tabriz.ir/?MID=21&Type=News&id=1437>